

Leiwamsen? Fleitjepiepen!

IN D' LUUR

Holger Janssen

redaktion@on-online.de



Well seggt denn, dat Beamten Leiwamsen sünd? In d' Raadhuus in Mainhaaf wiesen se faker, dat se düchtig flietig wesen können. Annerlestens luur mien Kolleeg stünnenlang daarup, dat se hum 'n Rummel eenfache Fragen beantwoorden deden. Un as he al meen, dat daar an de Dag nix mehr kummt, pingel dat in sien Computer un de E-Mail was d'r. Dönnerslag, daar was dat all meest söven Ühr. Beamten hebben up Tied Fieravend? Fleitjepiepen! Ganz nebenbi sünd se daarbi denn ok noch up 't Nauste. Vörgüstern hebben de Maainhafers up Fragen eerst düchtig Quatsk vertellt. As mien Kolleeg sien Schrieveree meest klaar harr, hebben se dat beriegt. Daar kannst nu würrelk nix tegen seggen.
